



**Quæstionum Canonicarum, In Quinque Libros  
Decretalium, Tomus ...**

In Librum I. Decretrialium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

Articulus V. De sententia, seu pronuntiatio Arbitri.

---

[urn:nbn:de:hbz:466:1-73031](#)

c. ex parte, 10. h. t. Cùm enim Canonici Ecclesiae S. Cuniberti in discordia eligerent, alij quidem Henricum de Juliaco; alij vero, Conradum de Lombardia; duo isti curarunt compromissum fieri in Archiepiscopum Colonensem: is causæ meritis, diligenter auditis, ac perspectis, diem partibus designavit ad sententiam definitivam ferendam. Interea autem moritur Henricus; quo auditio Archiepiscopus prohibuit Canonicis, ne pendente suâ sententiâ, ad aliam electionem procederent; sed aliqui non obtemperantes, Beatum, Canonicum Colonensem elegerunt.

Igitur, cùm die constituto in præsentia partium compromittentium sententia ferri deberet, Beatus ille electus venit, & allegavit ulterius procedendum non esse; cùm per Henrici mortem compromissum finitum fuerit. Super hac re consultus Honorius III. respondit; tametsi compromissum morte Henrici finitum fuerit, tam de prioris electionis meritis cognosci prius oportuisse, quam procederetur ad secundam: quandoquidem, si Conrado superstiti jus competit ex electione, satis constat, posteriorem penitus non valete.

Ex hoc c. colliges præterea, Arbitrum, suam sententiam in præsentia compromittentium pronuntiare debere, & quidem intra tempus ipsi à partibus constitutum; alias exspirat compromissum, nisi temporis prorogatio Arbitro concessa sit. Colliges 2. duobus in discordia electis, morte alterius, vel renuntiatione, aut causâ eidem abjudicata, procedi ad electionem novam non posse, nisi finita lite super iure coelecti superstitis. Colliges 3. si in Ordinarium super causa electionis compromissum est, morte unius compromittentium finiri compromissum, non autem jurisdictionem ejus ordinariam; constat ex c. 10. supr.

## ARTICULUS V.

## De sententia; seu pronuntiatio Arbitri.

Solam Arbitrorum juris pronuntiatiōnem; seu arbitrium, esse propriè sententiam, constat ex dictis; reliquorum autem, arbitramentum, vel laudām, ut diximus n. 2743. olim ex arbitrio non erat actio, nisi intervenisset stipulatio de

Tom. I.

Nn nn

Not. 2.

stanto arbitrio sub pœna, quæ petebatur; vel si simpliciter conventum est sententiæ stare, erat actio incetti; L. 27. ff. b. postea verò ex sententia Arbitri homologata (id est, expressè vel tacitè per silentium 10. dierum comprobata) data est actio, & exceptio, L. pen. C. h. t. Et hoc procedit etiam de jure Canonico, si arbitrium, peccatum, quod à partibus remitti nequeat, non continet, modo servati sint fines, & forma compromissi, c. non sine, 2. b. tit. ubi hoc confirmatur sequenti casu.

Robertus Archidiaconus in Ecclesia S. Alphredi Sacellatum instituit Alanum: mortuo Roberto nepos ejus (ex fratre) Marcus, qui Roberto successerat, Alanum denuò instituit, seu potius confirmavit: sed postea multis eum exactionibus indebitis grayavit; ac dēnique Capellaniā cedere voluit, promissis ei quinque marchis argenti pro annua pensione; sed cùm Alanus mortem gerere nollet, eum Capellaniā spoliavit.

Cum verò Alanus exūl justitiam obtinere non posset, nec suam ulterius inopiam sustinere, Marcus per fraudem extorsit à dicto Alanu, ut juratus consentiret in duorum Clericorum super hac re arbitrium. Hi Marco faventes iusserunt, ut acceptis quinque argenti marchis, lite, ac jure suo cederet. His intellectis mandavit Alexander III. Archiepiscopo Eboracensi, si cognoverit, dictos Clericos, tam nequiter arbitratos esse, Presbyterum Alanum, ab observatione juramenti, Apostolica autoritate, absolvat: sin autem arbitrium, seu latidum illorum æquum esse intellexerit, utramque partem ad ejus observationem, postposita appellatione compellat.

Not. præterea, sententiam, ab alijs prolatam post mortem unius ex Arbitris assumptis; non tenere per c. 10. h. t. intellige, si constituti sint, ut arbitrentur simul; nec etiam si prius moriatur unus compromittentium. Compromissio enim non extenditur ad heredem, nisi aliud sit cauatum. Nam compromissum est transactio; Barb. in c. 11. h. t. n. 6. nec transit ad successores, vel heredes compromittentium; & morte etiam unius compromittentium finitur. c. fin. h. t. nisi expressa fiat mentio de illorum successoribus, vel heredibus.

2763.

Not. 2. quod, si contingat, Arbitros dissentire, ea sententia prævalebit, quam plures dixerunt; & si omnes discordent, minor prævalebit, quod in eam consenserint omnes c. i. h. t. in 6. ubi dicitur, quod si facto compromisso inter te, & Titum in Arbitros tres, duo eorum te condemnent in decem; tertius in quinque; stet arbitrium quoad decem: sin autem unus ex tribus in quindecim te condemnet, alter in decem, tertius in quinque, efficax sit sententia in quinque, cum in ea summa omnes concordes sint.

2764.

Not. 3. quod unus ex tribus contumaciæ, sententiam ab aliis dictam, non faciat inutilem, c. fin. h. t. in 6. nisi cautum sit, ut omnes adsint, & per omnes sententia proferatur, gloss. in cit. c. fin. h. t. in 6. ad fin. ibi: statuimus, ut, si ex tribus Arbitris, à partibus electis, eorum aliquis ab aliis legitimè requisitus ad examinandum, vel definiendum unà cum eis negotium, super quo in ipsos extitit compromissum, non curaverit (cessante impedimento legitimo) convenire: duo præsentes, penes quos (licet lex civilis aliud innuere videatur) totalem eo casu remanere decernimus potestatem, possint (malitiosa, seu voluntaria illius absentia non obstante) dictum examinare negotium, & liberè definire, sicut possent illo presente, nec volente cum eis in unam sententiam concordare: ut sic ipsius absentia, præsentia repleta Divina, cū reputari faciat pro præsente. Circa Judices verò antiqua jura nolumus immutari; sic Bonifacius VIII. in cit. c. fin. h. t. in 6.

2765.

Not. 4. ex laudo arbitri neque actiōnem, neque exceptionem rei judicatæ dari, sed pœnæ petitionem, L. 2. C. h. t. nisi tacite, vel expressè sit approbatum, L. pen. C. eod. ut diximus n. 2761. Not. 5. arbitrium Judicis non esse merum, hoc est, Judicem non posse pro libitu suæ voluntatis credere, vel non credere; ut, si contra instrumentum, à Notario confectum, stent duo testes idonei, & contra istos stat notabilis dignitas Notarij. Unde, cum tali casu res relinquatur arbitrio Judicis (ut notat Sichardus in C. Tit. 21. deſide Inſtrum. L. 15. n. 8.) & universim, cum dicatur in jure, aliquid permitti arbitrio Judicis, non est sensus, quod illud arbitrium possit esse vagum; sed quod debeat regulari juxta leges; ita Sichardus.

Not. 6. Judice recusato veniri ad Arbitros, qui debent eligi intra triduum à die recusationis. Utile tamen eſe, ut in libello recusatorio nominentur Arbitri. Nam si nondum fuerint electi arbitri, & Judex recusatus procedat in causa, ille processus non effet nullus ipso jure: remedio tamen appellationis cassaretur; ita Sichardus in Tit. 8. C. de Judic. L. 14. n. 16.

2766.

Not. 7. Arbitrum, post rem judicatam, super discordijs novis assumptum, non posse per suum arbitrium sententiam immutare, licet de componendo inter partes mandatum acceperit à Papa, nisi in reſcripto mentio fiat rei judicatae, c. 11. h. t. & Barb. ibid. n. 1. & 2. Qualiter autem sententiæ Arbitri standuni sit à partibus? an, & quando ab ea valeant appellare? colligi poterit ex dictis ſupr. qualiter autem ab ea detur reductio? dicemus artic. seq. Ati, & qualiter sententia per Arbitrum lata, ab eodem cortigi possit? conſtat ex precedentibus.

## ARTICULUS VI.

An ab arbitrio Arbitri compromissarij peti posſit reductio ad arbitrium boni Viri?

**N**otandum, reductionem esse quandā speciem appellationis, habentē cum ea similitudinem aliquam; quia executionem ſuspendit, licet propriè non fit appellatio, ut ex probabiliori sententia doceat Maranta de Ord. Jud. p. 6. de appell. n. 110. Ad quæſtionem propositam Resp. negativè de sententia Arbitri compromissarij; ſecus, de sententia Arbitratoris; quia compromittens in Arbitrum videtur transigere, ut conſtat ex dict. jura autem non permittunt, ut lis per transactionem ſemel deciſa, instauretur; ſic Zoëlius h. t. quod tamen limitandum eſt, niſi talis Arbitri sententia contineret enorimissimam laſionem, vel manifestam, ac evidentem iuſtitiam; conſtat hoc ex c. Quintavallis 23. de jurejurand. Nam cum filia Quintavallis aliis mulieribus contumeliam irrogassent, ipſe juravit, quod pro ſatisfactiōne offendarum, earum mandato parere vellit, tum ipſæ ſub debiti juramento hoc illi injunxerunt mandatum: ut ſe ejus ſilie, aut uxor, verbum contumeliosum in ipſas

2767.